



中国佛教经典丛刊

# 净土宗大典（十二）

全国图书馆文献缩微复制中心

# 净土宗大典目录（十二）

|             |         |     |
|-------------|---------|-----|
| 西方合论标注十卷    | 明·明教标注  | 一   |
| 净慈要语二卷      | 明·元贤述   | 七一  |
| 净土生无生论注一卷   | 明·正寂    | 九七  |
| 净土生无生论亲闻记二卷 | 明·受教记   | 一三一 |
| 灵峰滴益大师净土集二卷 | 明·智旭著   | 一七五 |
| 憨山大师净宗法要一卷  | 明·德清著   | 四一七 |
| 净土生无生论会集一卷  | 清·达默集   | 四二七 |
| 净土旨诀一卷      | 清·道霭撰   | 四七九 |
| 净土晨钟十卷      | 清·周克复纂  | 四九七 |
| 西归直指四卷      | 清·周梦颜汇集 | 六一九 |
| 净土警语一卷      | 清·行策者   | 六七九 |

重刻西方合論序

儒以三綱五常莫乾坤而正人類至於截生死逆流  
出三界火宅必資佛教十方三世佛而阿彌陀爲第  
一也諸佛各有所攝受之淨土而西方極樂世界爲  
第一也念佛求生淨土功行觀門無窮而執持名號  
一心不亂爲第一也古今聖賢讀淨土教念佛如天  
台十疑論永明萬善同歸天如或問龍舒淨土文諸  
書已詳而義類散見卷帙分函至大明雲棲大師彌  
陀疏鈔爲集大成又有楚公安袁石公先生諱宏道  
者所著西方合論會通異同決釋疑滯闡發玄奧直  
指趣歸佛經而祖緯之兄舉而弟揚之誠儒家之無  
著天親論部之馬鳴龍樹可謂現宰官居士身而弘  
同居同事攝矣念佛至此方爲圓教淨土得此方稱  
惟心達理之士宜人手一編日披數次願疏鈔已盛  
行于世而合論或罕識其文今末法式微劫運方起  
娑婆四衆速宜願生而不無宗教之歧路禪淨之疑  
情使蓮花忽開忽謝淨域若近若遠此阿彌陀佛所  
爲悲切以急需而假廣長舌相于袁氏之書以疾呼

也之變夙承佛恩寔滯濁界歸命斯道思廣是書而  
艱於力有居士道友甘爾翼字右民與其仲氏姓字  
左民者同志淨業適見合論大憐本心權喜讚嘆遂  
捐資授梓偕衆成之俾袁氏之水月重朗而蓮池之  
華果普周人人念佛見佛者繇乎獲觀是書人人得  
力是書者繇乎重新斯刻多一人生淨土宛轉作我  
導師早一日證無生長遠續佛慧命凡忠臣孝子義  
夫節婦及蜚飛蠕動皆樂邦之伴侶凡參禪誦呪持  
戒脩福與治生雜務皆往生之資糧凡勸念一聲靜  
閱一刻演說一字流通一處皆功德壽命之無量事  
理眞寔不誑不妄生佛平等非易非難淨土在我目  
前大願當人一念吁蓂以加矣

彊梧大淵獻中秋望菩薩戒弟子閩中周之夔稽  
首書

杭江亭主人 甘爾翼 謹識

袁氏一門向心淨土紀夢其驗也余讀中郎先生集  
至家報每合掌贊誦其書云聞大人及一家眷屬俱

歸心白業此人間第一希有事專持名字有甚麼難而人自生疑阻蓋此等大富貴天自不肯輕易與人也又必堅行善法以利濟忍耐破人我慳貪等相爲作聖作佛吃緊事皆今日鉢鑑必較者之良藥先生所爲夢中獨以勤行方便憐憫一切叮嚀不置也讀是編而不慨然省發豈人情也哉適周章甫先生指示念佛路徑袁子合論盡之并授紀夢以爲合論之券余廼得取是書以觀而余弟姓與豚子佑病中聞其說皆起信念遂付重梓用相勸勉因以告于智慧長者若以余爲寒而噎者之獻曰良愧良愧

### 西方合論叙

香光子避躑山刹修習淨業有一禪人潤視高步過舍而譚見案上有石頭居士新撰淨土合論閱未終篇抗聲言曰若論此之法門原用接引中下之根何者中下根人智慧輕微業力深量以憶佛念佛獲生淨土如頑石附舟可以到岸誠宜念佛至於吾輩洞了本源此心卽是佛更于何處覓佛此心卽是土更

于何處見土于實際理中覓生佛去來生死三世之相無一毛頭可得纔說成佛已是剩語何得更分淨分穢捨此生彼之事若於此處悟得是自在閒人卽淫怒痴皆是阿彌平等道場如如不動何乃舍却已佛拜彼金銅且謂悟與未悟皆宜修習無事生事吾所不曉香光子聞而太息曰若汝所言止圖口角圓滑不知一舉足將墜于火坑也生死無常轉盼卽至如何熟記宗門見成相似之語以爲究竟都云我已成佛不必念佛若約理而言世間一蚤一虱皆具有如來清淨覺體無二無別乃至諸佛成等正覺證大涅槃本體未嘗增得一分衆生墮三塗趨生死海本體未嘗減却一分如如之體常自不動生死涅槃等是妄見亦無如來亦無衆生於此證入亦無能證之人亦無所證之法泯絕心量超越情有大地無寸土佛之一字向何處安著至方進修法門於無修證中修證於無等級中等級千差萬別雖位至等覺尙不知如來舉足下足之處從上祖師所以呵佛斥教一切皆遮者止因人心執滯教相隨語生解不悟言

外之本體漫執語中之方便一向說心說性說空說幻說頓說漸說因說果千經萬論無不通曉及問渠本命元辰便將經論見成語言抵對除却見成語言依舊茫然無措所謂數他家寶已無分文其或有真實修行之人不見佛性辛苦行持如盲無導止獲人天之果不生如來之家於是諸祖知其流弊遂用毒手割其語言塞其解路移其情識令其苦參密究逆生滅流生滅情盡取捨念空始識得親生父母歷劫寶藏却來看經看教一如道家中事然後如說進修以佛知見淨治餘習拜空花之如來修水月之梵行登陽燄之階級度谷響之衆生不取寂證是謂佛種正如果日當空行大王路不同長夜趨走攀荆墮棘豈謂一悟之後卽同極果如供奉問岑大虫果上涅槃天下善知識證否岑曰未證奉曰何以未證岑曰功未齊於諸聖奉曰若爾何得名爲善知識岑曰明見佛性亦得名爲善知識也弘辨禪師曰頓明自性與佛同儔然有無始染習故假對治令順性起用如人喫飯不二口便飽瀉山曰初心從緣頓悟自理

猶有無始曠劫習氣未能頓淨須教渠淨除現業流識卽修也不可別有法教渠修行趨向若論諸祖師爲人之處壁立萬仞大火聚中觸之卽爛刀鎗林裡動著便燒未曾開口已隔千里萬里至機緣之外平實商量未嘗盡絕階級盡遮修行傳燈錄中分明詳悉大慧中峯言教尤爲緊切血誠勸勉惟恐空解著人墮落魔事何曾言一悟之後不假修行頓同兩足之尊盡滿涅槃之果後世不識教意不達祖機乃取喝佛罵祖破膽險句以爲行持昔之人爲經論所障猶是糲食米麥不能運化後之人飽記禪宗語句排因撥果越分過頭是日取大黃巴豆以爲茶飯也自誤誤人弊豈有極是以纔入此門便輕十方如來莫不自云無佛可成無行可修見人念佛則曰自性是佛見人修淨土則曰卽心是淨言參禪則尊之九天之上言念佛則蹂之九地之下全不思參禪念佛總之爲了生死同是出苦海之橋梁越界有之寶筏事同一家何勝何劣參門之中所悟亦有淺深念佛之衆所修亦有高下如何執定參者卽是上根念佛者便

爲中下自達摩西來立此宗門已云二百年後明道者多行道者少說理者多通理者少今傳燈錄中如麻似粟同云入悟其實迥別至如般若緣深露根風植伽陵破卵香象截流或見根宗於片言或顯威用於一喝一聞千悟得大總持或有懷出世之心具丈夫之志舍彼塵情究此大事不怙小解惟求實知臥薪嘗膽飲冰吞檠如此三十年四十年後或遇明師痛與針割偷心死盡心華始開此後又須潛行密修銷融餘習法見尙捨何況非法若趙州除粥飯是禩用心湧泉四十年尙有走作香林四十年打成一片兢兢業業如護頭目直至烟銷灰滅自然一念不生業不能繫生死之際隨意自在詰其所證恐亦未能超於上品上生之上何以明之龍樹菩薩宗門之鼻祖也得大智慧具大辯才住持佛法故世尊數百年前於楞伽會上遙爲授記然亦不過曰證初歡喜地往生安樂國而已而觀經中上品上生生於彼間一剎那頃亦證初地今宗門諸大祖師縱使見離蓋證語出窩臼豈能卽過龍樹龍樹已悟無生無相之義

已具不墮階級之見而生於安養與上品上生所證之果正等則禪門諸人所證豈能獨過良以上品上生解第一義還同禪門之悟深信因果還同禪門之修止是念佛往生別耳然吾以爲禪門悟修之士旣不能取無餘涅槃同於如來又不肯取有餘涅槃同於二乘必入普賢行願之海若不捨一身受一身濟度衆生則當從一剎至一剎供養諸佛旣見諸佛還同往生究竟與上品上生止在鷹行伯仲之間何以高視祖師輕言淨侶其或悟門已入休歇太早智不入微道難勝習一念不盡卽是生死之根業風所牽復入胞胎如五祖戒出爲東坡青草堂再作魯公隔陰之後隨緣流轉道有消而無長業有加而無減縱般若緣深不落三塗而出房入房亦太辛苦還視中下往生之衆已天地不足喻其否泰矣況後世宗風日衰人之根器亦日以劣發心旣多不真功夫又不純一偶於佛祖機鋒知識語言或悟得本來成佛處當下卽是處意識行不到語言說不及處一切不可得卽不可得亦不可得處將古人語句和會無不相

似既得此相似之解卽云馳求已歇我是無事道人  
識得煩惱如幻則恣情以肆煩惱識得修行本空輒  
任意以壞修行謂檀本空也反舍檀而取怪謂忍本  
空也反聽隨而實忍言戒則日本無持犯何必重持  
輕犯言禪則日本無定亂何必舍亂取定聽情順意  
踏有證空旣云法尙應捨何爲復取非法旣云真亦  
不求胡爲舍之求妄旣云修觀習定皆屬有爲之迹  
何獨貪名求利偏合無爲之道愛憎毀譽之火纔觸  
之而卽高生老病死之風微吹之而已動爭人爭我  
說是說非甚至以火性爲氣魄以我慢爲承當以譎  
詐爲機用以誑語爲方便以放恣爲遊戲以穢言爲  
解粘讚歎破律無行之人侮弄繩趨尺步之士偏顯  
理路故窮玄極妙莫之踪跡盡剗行門故縱意任心  
無復規矩口言往生是小乘法令人修習已乃晏然  
或至經年不拜一佛經年不禮一懺經年不轉一經  
反看世間不必有之書行道人不宜行之事使後生  
小子專逞聰明惟尋見解纔有所知卽爲一超直入  
更復何事輕狂傲慢貢高恣睢口無擇言身無擇行

父既報讐子遂行劫寫鳥成馬展轉差謬不念世間  
情欲無涯隄之尙溢如何日以圓滑之語大政因果  
之門決其防藩導以必流自悞悞人安免淪墜若不  
爲魔所攝定當永陷三途刀山劍樹報其前因披毛  
戴角酬還宿債莫云我是悟達之人業不能繫夫謂  
業不能繫非謂有而不有正以無而自無生旣隨境  
卽動死安得不隨業受生眼前一念嗔相卽是怪蟒  
之形眼前一念貪相卽是餓鬼之種無形之因念甚  
小有形之果報甚大一念之微識田持之歷千萬劫  
終不遺失如一比丘以智慧故身有光明以妄語故  
口流蛆虫一言之微得此惡果雖有智慧終不能消  
況今無明煩惱熾然不斷欲以相似見解消其惡業  
冀出三塗無有是處嚮使此等不得少以爲足常如  
說以修行終不自言我已悟了卽心是佛豈可復同  
中下念佛求生達了達生本無生不妨熾然求生卽心  
是土蓮邦不屬心外不釋禮拜不舍念誦智力行力  
雙轂並進方當踞上品之蓮臺坐空中之寶閣朝飯  
香積久遊滿月回視胎生之品于寶地不聞法語

不見法身象馬難羣鸞鳳非類何況人天小果甕中  
蚊虻者哉而乃空腹高心著空破有卒以偏執之妄  
解摻非常之果報不與阿彌作子却爲閻羅之因不  
與淨衆爲朋却與阿旁爲伍棄寶林而行劍樹舍梵  
音而聽呌號究其所受尙不能與世間無知無見之  
人行少善事作少功德生於人天者等毫髮有差天  
地懸隔可不哀歎然則宗門中人上之未必能超於  
上品上生而下之已墮三塗故知此道險難未易行  
遊成則爲佛敗則爲魔王虜分於彈指卿烹別於絲  
毫苦樂之分宜早擇矣況今代悟門一脉不絕如綫  
禪門之中寂寥無人止有三二在家居士路途端直  
可以流通此法然既爲居士不同沙門釋子猶有戒  
律縛身方實身大火之中浸心煩惱之海難於管幹  
世事內依稀得一入門而道力甚淺業力甚深卽極  
粗莫如淫殺之業猶不能折身不行何況其細生死  
之間安能脫然徒見豪奢如于頔奸惡如呂惠卿夏  
竦躁進如張天覺風流豔冶如白樂天蘇子瞻等皆  
列於傳燈便謂一切無礙不知從上諸人雖具正見

若謂其從此不受分段業不能繫吾未敢許方當長  
夜受報未有了期故知念佛一門於居士尤爲喫緊  
業力雖重仰借佛力免於沉淪如負債人藏於王宮  
不得抵償旣生佛土生平所悟所解皆不唐捐生死  
催人出息難保早尋歸路免致忙亂縱使志在參禪  
不妨兼以念佛世間作官作家猶云不礙況早晚禮  
拜念誦乎且借念佛之警切可以提醒參禪之心借  
參門之洞徹可以金固淨土之信適兩相資最爲穩  
實如此不信真同下愚石頭居士少志參禪根性猛  
利十年之內洞有所入機鋒迅利語言圓轉尋常與  
人論及此事下筆千言不踏祖師語句直從骨髓流  
出活虎生龍無一死語遂亦自謂了悟無所事事雖  
世情減少不入塵勞然嘲風弄月登山玩水流连文  
酒之場沉酣騷雅之業嬾慢疎狂未免縱意如前之  
病未能全脫所幸生死心切不長陷溺痛念見境生  
心觸途成滯浮解實情未能相勝悟不脩行必墮魔  
境佛魔之分只在頃刻始約其偏空之見涉入普賢  
之海又思行門竭的莫如念佛而權引中下之疑未

之盡破及後博觀經論始知此門原攝一乘悟與未悟皆宜修習於是採金口之所宣揚菩薩之所闡明諸大善知識之所發揮附以已意千波競起萬派橫流詰其匯歸皆同一源其論以不思議第一義爲宗以悟爲導以十二時中持佛名號一心不亂念念相續爲行持以六度萬行爲助因以深信因果爲入門此論甫成而同參發心持戒念佛者遂得五人共欲流通以解宗教之惑香光識劣根微久爲空見所醉縱情肆志有若狂象去年沉湎之夜親遊鬲子地獄烈火洞然見所熟譚空破戒亡僧形容彫羸跛足而過哭聲震地殆不忍聞及寤身毛爲豎遂亦發心歸依淨土後讀此論宿疑冰釋所以今日不憚苦口病夫知醫浪子憐客汝宜盡刻舊日知見虛心誦習自當有入生死事大莫久遲疑於是禪人悲淚交集自云若不遇子幾以空見睡過一輩子生我矣懇求彙集作禮而去時萬曆庚子仲春之二十有三日也袁宗道伯修甫書於白蘇齋

# 西方合論引

荷葉庵石頭道人 袁宏道 撰述

夫滯相迷心有爲過出著空破有莽蕩禍生達摩爲救執相之者說罪福之皆虛永明爲破狂慧之徒言萬善之總是滅火者水水過卽有沉溺之災生物者日日盛翻爲枯焦之本如來教法亦復如是五業以來單傳斯盛迨於今日狂盞遂極謬引惟心同無爲之外道執言皆是趨五欲之魔城不思阿難未得盡通頭陀指斥摩達微牽結使尊者呵譏蟬翅薄習寶所斯遙丘山叢垢淨樂何從至若楞伽傳自達磨悟修並重清規創始百丈乘戒兼行未聞一乘綱宗呵叱淨戒五燈嫡子貪戀世緣昔有道士夜行爲鬼所著宛轉塚間有田父見之扶掖入舍湯沃乃醒道士臨別謂田夫曰羈客無以贈主人有辟鬼符二張願以爲謝聞者笑之今之學者貪嗔邪見熾然如火而欲爲人解縛何其惑也余十年學道墮此狂病後因觸機薄有省發遂簡塵勞歸心淨土禮誦之暇取龍樹天台長者永明等論細心披讀忽爾疑豁既深信

淨土復悟諸大菩薩差別之行如貧兒得伏藏中金  
喜不自釋會愚菴和尚與平倩居士謀余哀集西方  
諸論余乃述古德要語附以已見勒成一書命曰西  
方合論始於己亥十月二十三日成於十二月二十  
二日既算檢閱多所脫漏唯欲方便初心尙期就正  
有道路稽往哲分叙十門

- |       |       |       |
|-------|-------|-------|
| 第一利土門 | 第二緣起門 | 第三部類門 |
| 第四教相門 | 第五理諦門 | 第六稱性門 |
| 第七往生門 | 第八見網門 | 第九脩持門 |
| 第十釋異門 |       |       |

西方合論卷之一

第一利土門

夫一眞法界身土交參十佛刹海淨穢無別祗因衆  
生行業有殊諸佛化現亦異或權或實或偏或圓或  
暫或常或漸或頓一月千江波波具涵淨月萬燈一  
室光光各顯全燈理卽一諦相有千差若非廣引靈  
文衆生何所取則爰約諸教略叙十門

- |                 |       |
|-----------------|-------|
| 一毗盧遮那淨土         | 二惟心淨土 |
| 三恒眞淨土           | 四變現淨土 |
| 五寄報淨土           | 六分身淨土 |
| 七依他淨土           | 八諸方淨土 |
| 九一心四種淨土         |       |
| 十攝受十方一切有情不可思議淨土 |       |

一毗盧遮那淨土者卽諸佛本報國土十蓮華藏世  
界海一一蓮華藏最下世界皆有十佛世界微塵數  
廣大利清淨莊嚴一一廣大利復有十佛世界微塵  
數諸小刹國遠倍倍增廣一一華藏世界皆滿虛空  
互相徹入淨穢總含重重無盡如法而論一草一木

此二句乃李  
長蘅言觀即  
耶非  
廣三  
聖土  
以世  
界則  
可知  
下界  
佛  
非  
淨  
土  
注  
身  
之  
總  
名  
通  
諸  
佛  
非  
專  
指  
阿  
彌  
陀  
佛  
世  
界  
皆  
爲  
佛  
所  
攝  
受  
以  
此  
說  
之





此言西方淨土之中亦各淨土之中心凡均之在極樂土而不及四而分四而前未達以雲川路之

佛實報莊嚴經中或有以佛神力暫令顯現或諸大菩薩詣彼供養緣彼佛未言攝生故諸衆生亦無緣生彼即如妙喜世界釋迦雖記有往生者未聞無動有普引之言且其國有鐵圍須彌諸山及鬼神婦女當知嚴淨不如安養也又如藥師如來以十二大願度諸有情經中亦言有信心者應當來生藉彼願力多是解脫一切憂苦究竟安樂未若阿彌如來純以念佛攝一切人往生彼土

九一心四種淨土者一曰凡聖同居土二曰方便有餘土三曰實報無障礙土四曰常寂光土一凡聖同居土者自分二類初同居穢土次同居淨土穢土之中凡居聖居各二凡居二者一惡衆生即四趣也二善衆生即人天也聖居二者一實聖即圓果辟支通教六地別十住圓十信後心通惑雖盡報身猶在皆名實也二權聖謂方便實報寂光土中法身菩薩及妙覺佛爲利有緣應生同居皆是權也是等與四趣共住故名穢土次同居淨土者如極樂中有衆生妙喜國中有鐵圍男女之類以無四惡趣故名淨土余

有餘土者但知出三界外爲淨土而不知淨則其淨不遠則其淨不此方便法非

按同居穢土之中既有諸聖亦可名同居淨土如娑婆世界在華藏世界第十三重亦云華藏也二方便有餘土者二乘三種菩薩破見思惑證方便道塵沙別惑無明未斷捨分段身而生界外名曰有餘故釋論云出三界外有淨土聲聞辟支佛出生其中受法性身非分段也三實報無障礙土者無有二乘純諸法身菩薩所居盡塵沙惑分破無明得眞實果而無明未盡潤無漏業受法性報身亦名果報國故仁王經云三賢十聖住果報以觀實相發眞無漏感報殊勝七寶莊嚴具淨妙五塵故名爲實色心不二毛刹相容故名無障礙華嚴明因陀羅網世界是也四常寂光土者妙覺極智所照如如法界名之爲國亦名法性土但一眞如佛性非身非土而說身土離身無土離土無身諸佛如來所遊居處妙宗曰經論中言寂光無相乃是已盡染礙之相非如太虛空無一物良由三惑究竟清淨則依正色心究竟明顯大經曰因滅是色獲得常色受想行識亦復如是仁王稱爲法性五陰是爲極果然十方利土隨心異見七寶妙

須知此語  
不特此第  
九門之義而  
後一門俱不  
出此

釋迦佛說法  
處

釋迦處差別故雲川曰極樂國土諸土不同何則約  
人天二乘即前二種土約菩薩佛即後二種土約  
六十萬億那由他恒河沙由旬等身不妨更有丈六  
之身華藏海會無量佛土不妨更有尼連河土河以  
故是法爾故非是神力變現故

十攝受十方一切有情不可思議淨土者即阿彌陀  
佛西方淨土其中所有大功德海大慈智海大願力  
海若具說者假使盡十方世界諸佛菩薩聲聞辟支  
天人鬼畜下至螻蛄飛蠕動及一切無情草木瓦礫鄰  
虛微塵之類一一具無量口口中一一具無量舌舌  
中一一出無量音聲常說倍說熾然說無間說經百  
億萬塵沙阿僧祇劫亦不能盡今且略釋一身土不  
思議義二性相不思議義三因果不思議義四往來  
不思議義五畢竟不可思議不思議義一身土不思  
議義者阿彌身中有無量衆生衆生身中有無量阿  
彌國土亦是故一衆生念阿彌一阿彌見衆衆生  
念阿彌衆阿彌見衆生念念阿彌即念念阿彌見若  
衆生身中無阿彌者阿彌不見如陽燄身中不能得

無變易即形  
定於一處安  
能住生無  
用不得

水非本有故阿彌身中無衆生者阿彌亦不見如石  
女求生兒必不可得非應得故是故身中含身身  
中含身身土中含土土中含土身土交含重重無  
盡是身土不思議義二性相不思議義者若離性言  
土土即心外是幻化故幻化者即斷滅相衆生不生  
若即性言土性是有形是一定故一定者即無變易  
無變易衆生亦不生即性即相非相非相存非非亡  
存即即壞是性相不思議義三因果不思議義者有  
二義一因先果後義如念佛是因見佛是果見佛是  
因成佛是果成佛是因度衆生是果二因果無前後  
義即念即見即成即度一時具足如人三十至四十  
歲三十是因四十是果然三四十無間斷相若無  
四十三十不立無三十者四十不成是故當知非離  
三十至四十故若離三十至四十者中間即有分限  
相而我此身無分限故若由三十至四十者中間即  
有相續相而我此身乃至相續不可得故念佛因果  
亦復如是是因果不思議義四去來不思議義者若  
阿彌陀佛因念而來此衆生因憶佛而生彼即有去

來有去來即有程途有程途即有險易如人近京師則覲君易遠則雖果爾念佛求生應有難易而阿彌僕僕道途亦無說法之日矣故般舟三昧經曰不於是間終生彼間佛刹佛無所從來我亦無所至又先德云生則決定生去則實不去如天鼓鳴遠近齊聞非去來故如水中月東行則東西行則西非去來故是去來不思議義五畢竟不可思議不思議義者如澄潭山影如春暘百草如衆生業力如日月光相如胎中根如身中我如齒堅舌柔如眉橫髮長是畢竟不可思議不思議義所以十方諸佛吐心吐膽亦只道得箇希有難信而已雖有遍覆三千大千舌相詎能分疏其萬一哉孔子曰夫婦之愚可以與知及其至也聖人不知至哉言也無量法門一以貫之矣

# 西方合論卷之一

## 西方合論卷之二

### 第二緣起門

夫案鮑肆者不念檀旃非實不念以不厭故乍使引之晤室蘇旃灸沉不終日而悲其昔之穢厭離之不早也夫生死臭穢愈於鮑肆衆生貪嗜倍彼蠅蚋諸佛爲醫香長者見一輩人天沒溺濁海能不惻然是故阿彌導師廣開香嚴之肆釋迦慈父確指淨域之門盡大地無非貧兒一佛號便爲資本欲驗誠言莫離十念塞鼻腫脰久當自厭今約西方起教略分十義

- 一 一 一 大事故
- 二 二 二 宿因深故
- 三 三 三 顯果德故
- 四 四 四 依因性故
- 五 五 五 順衆生故
- 六 六 六 穢相空故
- 七 七 七 勝方便故
- 八 八 八 導二乘故
- 九 九 九 堅忍力故
- 十 十 十 示眞法故

一 一 一 大事者衆生處五濁世如囚處獄但以罪之輕重受等不等罰或干小法或投極綱辜雖不同至於縲紲之苦笞杖之罰未有一人得免者何也以入獄

一 一 一 大事者衆生處五濁世如囚處獄但以罪之輕重受等不等罰或干小法或投極綱辜雖不同至於縲紲之苦笞杖之罰未有一人得免者何也以入獄

往來門喻  
外喻  
佛

因以飢寒而  
死曰憂

此言西方起  
宿因深也凡  
一切事皆有  
因不依自性  
起不得正  
始名正因依  
性正願始名  
正行若其  
此三者是

者皆罪人處人天者皆是業報分段之身故也然罪人一入獄未有時刻不求出離者則以知獄之煎苦難忍難堪棘牆之外更有許大安樂世界故也今衆生以煩惱爲家以生死爲園觀繫心衣冠之囚長適情金玉之桁楊豈知大鍊圍山是我棘牆三界法場之外各各自有家鄉田地也諸佛憫此酸心痛骨是故爲分別淨穢指以脫歸路程而歲久拋棄之人了無歸處諸佛又大建宅舍以安之一則往來獄門爲治道途一則長伺獄外修飾旅館如是之恩何身可報嗟夫燭三界之長夜揭億生之覆盆諸佛既不惜垂手衆生獨何苦戀戀也經曰如來爲一大事出現於世大事者卽此事也衆生種種反戀此毛頭許事以小易大甘心瘦死何哉

二宿因深者有三一者正因二者正願三者正行一正因者卽是三世諸佛與諸有情自清淨體如萬象依空山川依地穀依種子花果依仁若無此因佛果不成何以故一切悲智純依此因而得建立故長者合論曰如來藏身卽法身也諸福智海莫不居中故

宿因既深故  
起教亦大也

人知果德而  
於自度而不  
能成其願西  
方起正行  
此段對下依  
上宿因深故

稱爲藏若不見法身一切福智大慈大悲悉皆不辦總屬生滅法身者卽正因是二正願者如本經法藏比丘於自在王如來所發四十八大願一願不成不取菩提此是依自性無量悲智發如是不可思議願力非是心外見有衆生發願欲度以衆生非心外故三正行者如本經言發是願已如是安住種種功德修習如是菩薩行經於無量無數億那由他百千劫內又如一向出生菩薩經云阿彌陀佛皆爲太子聞此微妙法門奉持精進七千歲中脅不至席不念愛欲財寶不問他事常獨處止意不傾動復教化八千億萬那由他人得不退轉此是自性行持自性精進非是有作有爲功德雖歷億劫不離一念以微妙法門離一切行一切劫故是謂正因正行正願如伊三點缺一不成非是作得非不作得故先德云根深果茂源遠流長宿因既深教起亦大誠然乎哉三願果德者如華嚴經普賢行願品云諸佛如來因於衆生而起大悲因於大悲生菩提心因菩提心成等正覺譬如曠野沙磧之中有大樹王若根得水枝